



尤慧美 老師

閩南語 · 現代詩 · 教師組

第三名

得獎作品

無你法——自閉兒的老母心聲

得獎感言

用心生活 用心感動
用心栽培 用心對待

細漢我蹠佇阿公阿媽兜，欲去讀國小的時，猶袂曉聽、袂曉講華語，所擺定定共「上午、下午」聽母著，上課親像鴨仔咧聽雷，嘛感覺讀冊是一種足無趣味的代誌，厝邊的囡仔伴佇學校攏講生份的話，聽著我用臺語叫個的名，隨个仔走甲無看跤，驚佢我講臺語會予人罰錢，這嘛是我佇學校有三冬無歡喜開喙講話成做啞口的原因。

我佢臺語的緣份是上天上好的安排，真幸運會當出世佇這塊番薯島嶼。我的阿公足勢講故事，綴伊駛牛車沿路聽沿路看真心適，嘛是粒積我日後臺語筋骨的肥底。我講母語足足六十冬佇學校教臺語課才兩冬半，明知生澁母語是硬篤的理念佢使命，毋過相信堅持做、歡喜做就有機會復振咱的母語，用心栽培每一个母語種子、用心對待佢囡仔講母語的緣份，這是我予家已行臺語教學的向望。

感謝評審老師的肯定、感謝柯柏榮老師專業的建議、感謝工課上熟似的自閉兒的老母，願意分享伊的心情故事予我了解，以早我用心生活、用心感動寫臺語囡仔歌，以後我會堅持全款的精神，用單純守護母語的決心繼續拍拚寫這塊土地有人情味的作品。

無你法——自閉兒的老母心聲

無你法 無你法 阿爸無你法
 伊替人客看風水 算地理
 算出你落塗的好時日
 恁我去揣上出名的醫師 對時抱生
 看你面肉幼秀 跤手健全 鼻日喙真嬌
 阿公呵啞你生做將才 後日仔定著有好將來
 阿媽歡喜攢十全補湯 予我補奶水
 日時好迢迢 暗時乖乖睏
 七坐八爬九發牙十一倚十二會學行
 你是大隻雞慢啼

無你法 無你法 阿母無你法
 你倒佇塗跤拍翻 大聲吼 大聲吱
 兩肢跛擡懸懸 擡過來 踢過去
 磕袂著就氣怱怱 凌遲家己
 跤頭跌烏青凝血 新傷疊舊傷好袂離
 敢講你攏毋知疼 提家己的頭殼額仔來出氣
 兩歲半 毋捌聽你開喙講半字
 你緊學講話 阿母會斟酌聽
 會共你攢牢牢 共你惜命命

無你法 無你法 阿姊無你法
 兩個阿姊會驚你受氣 毋敢接近你
 親情朋友來相揣 看你越跛頓蹄

對個足歹勢閣失禮

尻川猶袂坐燒 茶猶袂淋就轉去
 見擺看著外人 你攏使性地
 愛阿姊佻你做伙耍較趣味
 囡仔物 你攏攔做家己的
 阿姊講你是狡怪小弟
 你恬恬無抗議，來
 咱來學講話 沓沓仔一字一字
 你愛開喙講看覓 寬寬仔是

無你法 無你法 老師無你法
 大班的年紀 生份的所在
 你雙手共我摸牢牢
 阿母的心肝掠坦橫 目屎吞腹內
 老師講你吼規工 毋食 毋睏 毋迫迫
 心肝仔囡 你愛勇敢離開阿母的身軀邊
 外口的日頭真嬌真燒烙
 阿母姑情老師鬥相共 予你適應的機會
 才第三工就出代誌 你用手指頭仔挖鎖匙空
 割破指甲吼甲強欲無氣
 老師憂頭結面講愛恚你去做鑑定
 病症的鑑定單 鑿入我的心肝
 一字一血 流血流滴
 醫學名稱 殘忍的宣判

無你法 無你法 敢講無你法
 阿爸上北落南 四界探聽走從
 臺灣上出名專門治療的醫生
 毋相信 你的症頭無法醫
 為著你 阿爸有路行甲無步
 我的心肝仔囡 到底欲恚阮對佗位去

路彼月敢有出口咧等咱？
天敢有影無絕人之路？
你的世界 外人踏袂入去
親像一隻藏仔塗裡的娘仔繭
三冬五冬 抑是長長的十七冬
我會等你 我會等你開喙叫我阿母
食菜唸佛 祈求天公伯仔鬥保庇
若是有一日 你會講話佢唱歌
心肝仔囡 阿母會斟酌聽